

竹書紀年集證

竹書紀年集證卷三

江都陳逢衡學

帝堯上

帝堯陶唐氏

原註母曰慶都生于斗維之野常有黃雲覆其上及長觀於三河常有龍隨之一旦龍負圖而至其文要

曰赤受天祐

統箋按許慎說文曰慶都出觀于河有赤龍負圖而至曰赤龍受天之圖

八彩

尚書大傳堯八眉八者如八字也○春秋元命

包堯眉八彩是謂通明歷象日月璇璣玉衡○

孝經援神契堯火精烏庭荷勝八眉○淮南子堯眉八彩九竅通洞而公正無私一言而萬民齊○帝堯

碑其先出自塊隗翼火之精有神龍首出於常羊慶
都交之生伊堯龍顏日角眉八彩○衡案羅莘注引

合誠圖云光面八彩鬢鬚尺餘尺餘二字舊脫長七
謂八位皆有光彩從帝堯碑補

尺二十面銳上豐下世紀帝堯陶唐氏祁姓也母慶
都孕十四月而生堯於丹陵名

曰放勳鳥庭荷勝眉有八彩豐下銳上○金樓子堯
眉八彩日角方目足有元武之字手有三河之文豐

下銳上就之如足履翼宿帝堯碑赤龍負圖出慶都
讀之云赤受天運其下圖

日望之如雲人衣赤衣鬢鬚尺餘長七尺二寸銳上
豐下足履翼星題曰赤帝起成天下寶既而陰風四

合赤龍感之詩含神霧慶都與赤龍
合昏生赤帝伊祁堯也孕十四月而生

堯於丹陵統箋按四書攷曰高辛丁亥歲生堯於丹
陵異紀曰堯母慶都孕十四月而生堯

衡案金樓子云產甲其狀如圖春秋合誠圖堯母慶
都蓋大帝之女生於

申歲而生堯丹陵也

斗維之野常在三河東南天大雷電有血流澗大石
之中生慶都長大形像大帝常有黃雲覆蓋之茂食
不饑年二十奇伊長孺家無夫出觀三河之首常若
有龍隨之者奄然陰風四合赤龍與慶都婚有娠龍
消不見既乳視堯如圖表及長身長十尺春秋合誠
圖赤帝之
爲人視之豐長入尺七寸豐下銳上龍顏日角八
采三眸鳥庭荷勝琦表射出握嘉履翼竅息洞通有
聖德封於唐夢攀天而上世紀年十五而佐帝摯受
封於唐爲諸侯身長十尺
嘗夢天而上之故二十而登帝位都平陽○路史始
帝在唐夢御龍以登雲天而有天下○統箋按後漢
書和熹鄧后紀后嘗夢捫天占高辛氏衰天下歸之
夢者言堯夢扳天而上卽此也

統箋本無

此二句

史記五帝紀譽娶陳鋒氏女生放勳

志疑按漢律歷
志人表及路史

等書皆作陳豐此及大戴禮作鋒正義曰鋒又作豐
今本大戴禮訛作陳隆詩生民疏引帝系篇作陳鋒
娶姬訾氏女生摯帝嚳崩而摯代立帝摯立不善崩
而弟放勳立是爲帝堯

世紀帝摯之母於四人中班最下而摯於兄弟最長
得登帝位封異母弟放勳爲唐侯摯在位九年政微
弱而唐侯德盛諸侯歸之摯服其義乃率羣臣造唐
而致禪唐侯自知有天命乃受帝禪封摯於高辛

路史陶唐氏紀帝堯陶唐氏姬姓

世謂堯生伊長孺之家而姓伊祁妾

也伊祁乃炎帝之姓堯姓姬出於帝嚳不爲伊蓋昔以堯與炎帝俱大德王故謂堯爲炎後自漢以來有

是說世遂果以堯爲炎帝
子孫因云姓伊祁失之
高辛氏第二子也母陳豐

曰慶都嘗觀三河之首赤帝顯圖奄然風雨慶都遇
而萌之黃雲覆之震十有四月而生於丹陵曰堯

統箋案左傳范宣子曰祖自虞以上爲陶唐氏書傳

曰陶唐帝堯氏都說文云陶邱再成也在濟陰顏師

古曰陶邱有堯城堯嘗居之後居于唐故號陶唐氏

据竹書帝堯八十九年作遊宮于陶九十年帝遊居

于陶則臣瓚謂先居唐後居陶故號陶唐氏也世紀

曰帝堯始封于唐中山唐縣是也唐水在西北入唐

河後又徙晉陽詩唐風譜曰唐帝堯舊都之地今曰
太原晉陽堯始居此後遷河東平陽括地志今晉州
所治平陽故城是也又按陸氏釋文曰堯唐帝名史
記索隱曰堯諡也放勳名姓伊祁氏一統志保定府
完縣西三十里有伊祁山本堯母所居据舜典帝曰
格汝舜禹謨帝曰格汝禹堯舜禹宜皆是名雖周書
諡法有翼善傳聖曰堯仁義威明曰舜淵源流通曰
禹蓋因上世之名號陳之爲諡爲後世所取法耳豈
君之命臣不呼其名而有豫呼其諡之理

衡案白虎通謂之堯者何堯猶堯堯也至高之貌清
妙高遠優遊博衍衆聖之主百王之長也唐蕩蕩也
蕩蕩者德至大之貌也風俗通堯者高也饒也言其
隆興炳炳最高明也廣雅云堯曉也路史發揮云堯
遜也諡法解云翼善傳聖曰堯俱屬附會案唐乃始
封之地而堯則其名也

元年丙子

統箋按晦庵朱子曰溫公初作編年起于威烈王後
又添至共和後又作稽古錄始自上古然共和已上

之年已不能推矣獨邵康節卻推至堯元年皇極經世書中可見今攷皇極經世書堯元年甲辰又歷甲辰至乙卯在位七十二年以竹書紀年校之堯元年丙子則九年甲申十九年甲午二十九年甲辰堯元年不得爲甲辰也

韓怡曰案帝堯元歲據皇甫謐邵康節金仁山之說定爲甲辰羅泌路史在戊寅章俊卿山堂考索在癸未其論不一竹書作于魏人時爲戰國去古較近似可信也

洪頤煊曰諸書引竹書紀年皆無甲子紀年惟隋書律歷志引竹書紀年堯元年景子路史後紀注引帝堯元年丙子與今本同

帝卽位居冀

路史陶唐氏紀年十有七謾以侯伯恢踐帝

靈臺碑云堯以

侯伯恢踐帝而許叔重謂堯以楚伯受命滅不義於丹水楚今唐州

曰陶唐氏都於平

陽

今晉之臨汾漢平陽也卽晉城有故堯城元和志有堯帝廟在臨汾東八及南六里世紀謂自唐封

徙晉陽及爲天子都平陽謾也平陽太原大夏大鹵

夏虛晉晉陽七名一地寰宇記云平陽今晉晉陽太

原也然魯衛皆有平陽非堯都矣

安邑以火紀德

統箋按夏書曰維彼陶唐有此冀方孔傳曰陶唐帝堯氏都禹貢冀州既載孔傳曰堯所都也堯卽帝位都平陽乃冀州地也故竹書曰居冀

命羲和厯象

書堯典乃命羲和欽若昊天厯象日月星辰敬授人時分命羲仲宅嵎夷曰暘谷寅賓出日平秩東作日中星鳥以殷仲春厥民析鳥獸孳尾申命羲叔宅南交劉德曰本言宅南曰交趾傳寫脫二字耳平秩南訛敬致日永星火以正仲夏厥民因鳥獸希革分命和仲宅西曰昧谷寅

饑納日平秩西成宵中星虛以殷仲秋厥民夷鳥獸
毛毳申命和叔宅朔方曰幽都平在朔易日短星昴
以正仲冬厥民隩鳥獸氄毛帝曰咨汝羲暨和朞三
百有六旬有六日以閏月定四時成歲允釐百工庶
績咸熙。正義楚語云少昊氏之衰九黎亂德人神
雜擾不可方物顓頊受之乃命南正重司天以屬神
火正黎司地以屬民使復舊常無相侵瀆其後三苗
復九黎之德堯復育重黎之後不忘舊者使復興之
以至于夏商據此文則自堯及商無他姓也堯育重

黎之後是此義和可知是義和爲重黎之後世掌天
地之官文所出也呂刑先重後黎此文先義後和楊
子法言云義近重和近黎是義承重而和承黎矣呂
刑稱乃命重黎與此命義和爲一事也故呂刑傳云
重卽義也黎卽和也義和雖別爲氏族而出自重黎
故呂刑以重黎言之鄭語云爲高辛氏火正則高辛
亦命重黎故鄭元於此註云高辛氏世命重爲南正
司天黎爲火正司地據世掌之文用楚語爲說也楚
世家云重黎爲帝嚳火正能光融天下帝嚳命曰祝

融共工氏作亂帝嚳使重黎誅之而不盡帝乃以庚寅日誅重黎而以其弟吳回爲重黎復居火正爲祝融按昭二十九年左傳稱少昊氏有子曰重顓頊氏有子曰黎則重黎二人各出一帝而史記乃以重黎爲楚國之祖吳回爲重黎以重黎爲官號此乃史記之謬故束皙譏馬遷并兩人以爲一謂此是也左傳重爲句芒黎爲祝融不言何帝使爲此官但黎是顓頊之子其爲祝融必在顓頊之世重雖少昊之允而與黎同命明使重爲義芒亦是顓頊時祝融火官可

得稱爲火正句芒木官不應號爲南正且木不主天
火不主地而外傳稱顓頊命南正司天火正司地者
蓋使木官兼掌天火官兼掌地南爲陽位故掌天謂
之南正黎稱本官故掌地猶爲火正鄭答趙商云先
師以來皆云火掌爲地當云黎爲北正孔無明說未
必然也昭十七年左傳鄭子稱少昊氏以鳥名官自
顓頊以來乃命以民事句芒祝融皆以人事名官明
此當顓頊之時也傳言少昊氏有四叔當爲後代子
孫非親子也何則傳稱共工氏有子曰句龍共工氏

在顓頊之前多歷年代豈復共工氏親子至顓頊時乎明知少昊四叔亦非親子高辛所命重黎或是重黎子孫未必一人能歷二代又高辛前命後誅當是異人且有罪而誅不容列在祀典明是重黎之後世以重黎爲號所誅重黎是有功重黎之子孫也呂刑說羲和之事猶尚謂之重黎况彼尚近重黎何故不得稱之以此知異世重黎號同人別顓頊命重司天黎司地羲氏掌天和氏掌地其實重黎羲和通掌之也此云乃命羲和欽若昊天是羲和二氏共掌天地

之事顓頊命掌天地惟重黎二人堯命羲和則仲叔
四人者以羲和二氏賢者既多且後代稍文故分掌
其職事四人各職一時兼職方岳以有四岳故用四
人顓頊之命重黎惟司天地主岳與否不可得知設
令亦主方岳蓋重黎二人分主東西也下傳云四岳
卽羲和四子舜典傳稱禹益六人新命有職與四岳
十二牧凡爲二十二入然新命之六人禹命爲百揆
契作司徒伯夷爲秩宗臯陶爲士垂作共工亦禹契
之輩卽是卿官卿官之外別有四岳四岳非卿官也

孔意以羲和不是卿官別掌天地但天地行于四時
四時位在四方平秩四時之人因主方岳之事

路史陶唐氏紀乃命羲和絕地天通羲載上天黎獻
下地俾主陰陽羲和居卿而致日立渾儀天子南面
視四星以知民之緩急著推術設葍首演紀於虛之
初建困敦而首大呂

衡案山海經東南海之外甘水之間有羲和之國有
女子名曰羲和羲和者帝俊之妻生十日此語誕妄
不足信夫羲和乃重黎之後焉得國于西南海之外

且既國于海外又焉得爲帝嚳之妻假令真有此事則高辛又不止四妃而堯于兄弟輩又另有十日矣郭景純曰羲和蓋天地始生主日月者也故啟筮曰空桑之蒼蒼八極之既張乃有夫羲和是主日月職出入以爲晦明又曰瞻彼上天一明一晦有夫羲和之子出於陽谷故堯因此而立羲和之官以主四時其後世遂爲此國作日月之象而掌之沐浴轉運之於甘水中以效其出入陽谷虞淵也所謂世不失職耳據此則羲和是一人非兩姓矣且是堯所立之官

非重黎之後一爲羲氏一爲和氏矣上古荒忽難以
臆斷闕之可也又案論衡云堯候四時之中命羲和
察四星以占時氣蓋卽大傳所云主春者張昏中可
以種穀主夏者火昏中可以種黍菽主秋者虛昏中
可以種麥主冬者昴昏中可以收斂蓋藏是也

五年初巡狩四岳

統箋案堯典帝曰咨四岳傳曰四岳卽羲和之四子
分掌四岳之諸侯舜典五載一巡狩羣后四朝傳曰
各會朝于方岳之下凡四處故曰四朝堯舜同道舜

攝則然堯又可知王制天子五年一巡狩鄭氏曰五
年者虞夏之制也周則十二歲一巡狩白虎通曰巡
者循也狩者牧也王者爲天循行以牧人也五年再
閏天道大備故五年一巡狩今据竹書五年一巡狩
自堯昉也

衡案古皇狃神氏駕六蜚羊神皇氏駕六蜚龍神民
氏駕六蜚鹿辰放氏駕六蜚麇

太平廣記
作飛麇

離光氏駕

六蜚鳳以及白虎通所載三皇禪于繹繹之山五帝
禪于亭亭之山三王禪於梁甫之山知古來巡狩封

禪之事久矣特堯時巡岳之典他書無明文惟路史有設四岳八伯以典諸侯云云而四岳爲一爲四諸儒考核迄無定論今据竹書命羲和厯象之下而卽繼以初巡四岳之文則羲和統天而卽以掌地孔傳未爲失也蓋以二十二人之數較之四岳當爲一人合之九官十二牧則其數爲不錯若以舜巡狩使四岳還瑞之文考之則四岳又必非一姓子謂當時必有一人統四岳之長如堯典舜典所謂咨四岳是也其嘗居此職者爲神農之裔此在朝之四岳以一人

而掌四方者若在外則必又有東西南朔羣岳之長如帝至岱岳則東岳之長率東方諸侯朝焉至西岳則西岳之長率西方諸侯朝焉南朔亦皆循是其嘗居此職者爲羲和之四子則必非一人一姓可知據左傳杜注太岳神農之後堯四岳也尊之爲太岳則是四岳爲四方諸侯之長各就本國而在朝者又爲四岳之長別稱太岳則爲一爲四均有據矣路史謂堯臨民以十二註引孔子云舜臨民以五堯臨民以十二謂十二載一巡狩也金履祥前編亦謂帝堯十

有二載巡狩俱誤今据竹書帝堯實以卽位之五年
巡狩與周語堯臨民以五合當從之

七年有麟

統箋案春秋運斗樞曰衡星得則麒麟生萬人壽公
羊傳曰麟者仁獸也有王者則至何休曰狀如麋一
角而戴肉設武備而不爲害所以爲仁也上有聖帝
明王天下太平乃至孔叢子曰鉏商獲麟孔子觀之
乃歌曰唐虞之世麟鳳遊今非其時來何求麟兮麟
兮使我心憂蓋謂此也

衡案春秋感精符麟一角明海內共一主也王者不
剖胎不剖卵則出於郊禮稽命徵外內之制各得其
所四方之事無有畱滯則麒麟遊囿斗威儀君乘金
而王其政平麒麟在郊孝經援神契德至鳥獸則麒
麟臻春秋繁露恩及羽虫則麒麟至毛詩義疏麟麇
身馬足牛尾黃色圓蹄一角角端有肉音中鐘呂王
者至仁則出据路史陶唐氏在位七年麒麟遊于藪
澤與竹書合蓋其仁如天故卽位不久卽有是應也
拾遺記統言堯在位七十年有鸞鶴歲歲來集麒麟

遊于藪澤殊混

十二年初治兵

統箋案爾雅曰出爲治兵尚威武也周禮大司馬職
中秋教治兵隱五年傳三年而治兵春秋提要曰治
兵習戰也申明軍法以整齊之也莊子曰昔者堯攻
叢枝胥敖國爲虛厲身爲刑戮又曰昔者堯問於舜
曰我欲伐宗膾胥敖南面而不釋然其故何也又六
韜曰堯與有苗戰于丹水之陽此堯之治兵蓋有以
用之也

衡案世傳伏羲九軍陣黃帝握機經皆上古之事堯

時治兵無聞焉然觀於丹水

呂氏春秋堯戰于丹水之浦

有唐冠

子堯伐有唐

有扈

六韜堯伐有扈

諸戰伐則堯之神武大畧可見

蓋兵主乎生白虎通曰司馬順天天者施生所以主

兵何兵者爲謀除害也所以全其生衛其養也故兵

稱天由此觀之後之迂濶仁義棄軍實而隳武功者

皆以天下予敵者也當堯之時萬邦雖協而狃猶鑿

齒九嬰大風之類皆爲民害其克頑殘暴當不在禱

杙四凶下堯能聽其黨惡怙終耶

說見淮南子並路史註

故淮

南子云堯之治天下也契爲司馬說苑亦云當堯之時契爲司馬是帝將有征伐之事故特以司馬之職命契而使之治兵也

十六年渠搜氏來賓

統箋案武帝紀北發渠搜晉灼曰地理志朔方有渠搜縣臣瓚曰禹貢之渠搜在雍州西此渠搜在朔方又按楊雄曰大漢左東海右渠搜前番禺後陶塗東南一尉西北一候註會稽東部都尉燉煌玉門關候則渠搜在西爲右不在北涼土異物志古渠搜國在

大宛北界隋書西域傳撥汗國都葱嶺之西五百餘里古渠搜國也東去疏勒千里去瓜州五千五百里大業中遣使朝貢則禹貢時之渠搜不在朔方陸氏禹貢釋文亦引漢志在朔方非也

衡案禹貢織皮崑崙析支渠搜西戎卽敘孔傳謂是四國正義曰四國崑崙也析支也渠也搜也四國皆是戎狄末以西戎總之鄭康成云衣皮之民居此崑崙析支渠搜三山之野者今據紀年帝堯時渠搜氏來賓則渠搜非二國矣康成以爲山名亦誤金山

前編注云漢書西域傳言輪臺以東捷枝渠犁捷枝
卽析支渠犁卽渠搜與然漢武帝開朔方又自有渠
搜縣爲漢北極界今屬夏州尚書埤傳云渠搜卽今
河套地又案王會解渠叟以鼯犬穆天子傳至于巨
蒐之人獮奴卽此渠搜氏也

十九年命共工治河

楚辭天問康回憑怒墜何故以東南傾○蔣驥山帶
閻註螢蛙子共工姜之異爲太昊黑龍氏堯子康回
襲黑龍氏亦曰共工列子共工與顓頊爭帝怒觸不

周山天柱折地維缺天傾西北地陷東南按傳稱共
工氏爲水害雜見女媧顛頊帝嚳堯舜之世太古荒
忽不足深辨考竹書堯十九年命共工治河六十一
年命崇伯鯀治河又國語云鯀稱遂共工之過然則
康回蓋亦堯時治水無功者耳天傾地陷之說殆因
其墮高堙卑以害天下而附會之歟

孫之驥曰路史云共工有三共工氏太昊之世侯國
非堯世之共工堯之共工又非舜之所命者堯之共
工乃少昊氏之子而舜之共工則炎帝之裔垂也彼

共工氏自其號氏有國家者而舜之共工職也帝曰垂汝共工是矣堯之共工是則名爾

統箋按堯典帝曰疇咨若予采驩兕曰共工方鳩僝功鄭氏曰共工水官名馬融曰僝具也据竹書共工治河錫命在堯十九年改命伯鯨治河在堯六十一年則此四十餘年中皆共工治河

二十九年春焦僥氏來朝貢沒羽

山海經海外南經周僥國其爲人短小冠帶一曰焦僥國在三首東○大荒南經有小人名曰焦僥之國

幾姓嘉穀是食○郭註外傳曰焦僂民長三尺短之
至也詩含神霧曰從中州以東西四十萬得焦僂國
人長一尺五寸也○吳任臣曰案通考云焦僂人長
三尺穴居善遊鳥獸懼焉其地草木冬落夏生竹書
紀年堯二十九年載焦僂氏貢沒羽帝王世紀舜時焦
僂氏來貢沒羽馬融廣成頌云納焦僂之珍羽謂此
也漢明帝時西南國焦僂來貢獻安帝永初中焦僂
種類陸賴等舉種內附淮南子云焦僂曰炎士林希
逸列子注焦僂之尺五淨人之九寸圖贊曰羣獺舛

吹氣有萬殊大人三丈焦僥尺餘混之一歸此亦僥
如又焦僥或作樵僥酉陽雜俎云李章武有人腊長
三寸餘頭項中骨筋成就是焦僥國人

衡案焦僥氏人長三尺山海經云短小冠帶足狀其
貌云尺五者非是括地志在大秦國北爾雅疏蠻者
慢也其類有八三曰焦僥又庾信哀江南賦云西賁
浮玉南琛沒羽以沒羽與浮玉對舉當是珍寶之物
孫之騷注謂沒羽是矢名當考

四十二年景星見於翼

孫之驟曰一作景星出翼軫景星生於晦朔天門之上或入月二三日或出月二十七八九日狀如星而中空如魚星而不着或青赤白三氣聚如星如半月狀出而不行必於四時王相日見

統箋按孫氏瑞應圖景星天曜也狀如半月生於晦朔助月爲明王者不私人則見星傳曰翼二十二星二十度秒在太微垣南史記律書曰翼者言萬物皆有羽翼也

衡案漢天文志景星顯星也晉天文志瑞星一曰景

星或曰德星大而中空春秋合誠圖天子精耀心慎
務德則景星見運斗樞天樞得則景星見禮稽命徵
出號施令叶民心制禮作樂得天意則景星見孝經
內事圖天子行孝德則景星見謂夫有德則昌天休
必至是皆然矣然其見於翼何哉按堯爲翼精星在
南方說見春秋感精符又按管窺輯要云翼二十二
星天之樂府也主俳優又主遠客負海之寶星明大
則禮樂興賢臣得四夷服天下平據此則帝堯四十
二年景星見蓋以是時渠搜來賓焦僥入貢又復命

何遜先生集卷三
毋句氏及延鄆等作樂大章以和八風故有此瑞應也易曰天垂象聖人則之其見於翼也宜哉

五十年帝遊於首山乘素車元駒

孫之騾曰素車以白土墜車也古史考黃帝作車至省方始駕牛及陶唐氏制彤車乘馬則馬駕之始也春秋地名攷首山卽首陽山也在今蒲州東南呂氏春秋夏孔甲田于東南賚山世紀曰卽首陽山也山有九名曰厯山曰首山曰薄山曰襄山曰甘棗山曰渠豬山曰獨頭山曰陋山曰雷首山禹貢所謂壺口

雷首至于太岳尚書大傳湯放桀升自陬皆此也

統箋案沈約宋書曰堯升首山遵河渚有五老遊焉
宣二年傳曰初宣子田于首山杜注首山在河東蒲
坂縣東南卽是山也後世因名爲堯山地理志蒲坂
有堯山也五帝紀帝放勛富而不驕貴而不舒彤車
乘白馬此云乘素車元駒亦是類也

鄭環曰尸子作素車樸馬大戴作丹車白馬史記作
彤車蓋祭祀則彤車而遊山則素車歟

衡案論語考比讖堯率舜等遊於首山觀河渚有五

老遊河渚一曰河圖將來告帝期二曰河圖將來告
帝謀三曰河圖將來告帝書四曰河圖將來告帝圖
五曰河圖將來告帝符有頃赤龍銜玉苞舒圖刻版
題命可卷金泥玉檢封威書咸曰知我者重瞳也五
老乃爲流星上入昴黃姚視之龍沒圖在堯等共發
曰帝當樞百則禪于虞今据紀年帝堯遊首山時尚
未徵舜則考比讖之誣妄可知又列子云堯治天下
五十年遊於康衢兒童謠曰立我蒸民莫匪爾極不
識不知順帝之則是亦帝堯五十年事也疑卽遊首

山時作

五十三年帝祭於洛

衡案此帝循時祭之文也統箋引中候曰帝堯修壇
河洛昧爽禮備榮光出河休氣四塞又東沈璧於洛
日稷赤光起元龜負書背甲赤文成字遂禪于舜按
中候所云乃帝堯七十載舉舜後事觀紀年錫虞舜
命下註可見此時舜尚未舉安得混引

五十八年帝使后稷放帝子朱于丹水

路史陶唐紀帝初取富宜氏曰皇生朱

帝繫人表作
放宜氏謬味

卽嗣子朱說文引虞書作丹
蘇安國以嗣子朱別一人妄
請訟嫂遊而朋淫帝悲

之爲制弈棋以閑其情使出就丹
御覽尚書逸篇云丹朱不肖舜使君

丹淵爲諸侯號曰丹朱乃堯居之丹見漢厯志竹書
云放帝丹朱于丹水今朱虛縣有丹山東丹西丹二
水水近有長坂遠峻謂之破
軍坡記爲丹朱弄兵之所

統箋案世紀曰堯取散宜氏女曰女皇生丹朱荊州

記曰丹水縣在丹州堯子朱之所封也漢志曰陶唐

氏讓天下於虞使子朱處于丹淵爲諸侯尚書益稷

篇禹曰無若丹朱傲惟慢遊是好傲虐是作罔晝夜

頡頏罔水行舟朋淫于家用殄厥世此丹朱之所以

見放也括地志丹朱故城在鄧州內鄉縣西南百三十里賈公彥周官序曰初堯天官爲稷據此則稷爲天官故放帝子朱命之

胡景孟曰山海經海內南經帝丹朱葬於陰下郭注引竹書云后稷放帝朱於丹水與此義符丹朱稱帝者猶漢山陽公死加獻帝之諡也據此則以紀年本作帝朱後人誤增爲帝子朱也若紀年本作帝子朱則景純不應爲此語

衡案路史注亦云放帝丹朱于朱則似本文應作帝

朱矣然以舜二十九年帝命子義鈞封于商例之則當作帝子爲是况旣云帝使又云帝朱不儼然二帝乎無此文理据史記五帝本紀及高祖本紀正義俱引作后稷放帝子丹朱是也不得以山陽公比擬至所云使后稷放者蓋謂監之就國也如後世傳諸王出封之類而妄議者遂謂堯有不慈之誹豈通論哉

六十一年命崇伯鯀治河

路史陶唐紀在位六十二年沈蒙泮水演天方害龍
聞未闢呂梁未發后土冒沒而填星逆于水府帝乃

憂中國之不安詔曰洛水滔天下民其咎孰能使雙

音壁

法也將任焉四岳稱繇帝知繇之圯族方命而民患

弗可戾又自中國至條方莫薦於是試繇俾司空欽
哉九載功用不成而止

孫之騷曰連山易云繇封於崇故國語謂之崇伯繇
崇今鄂東帝爲洛水之患訪于四岳乃以命繇繇筮
之于歸藏得其大明曰不吉有初亡後繇障水汨陳
其五行水不潤下故有繇隄在相之安陽繇築以捍

孟門今謂三兩城又歷高東三十五又清河西三十

自宗城界來而澶之臨河西十五縣隄自黎陽界入堯命縣治水築之以障故無功又澶瀆清軍城東南五十有堯隄過飛狐界古長城卽堯遭洪水命縣築之者

衡案孫說見路史注三兩城疑誤當作三似城

統箋案索隱曰縣帝顓頊之子字熙今案竹書紀年顓頊三十年產鯀似鯀爲顓帝子矣然產鯀之後四十八年而顓帝陟又歷高辛氏六十三年摯九年堯卽位六十一年始命崇伯鯀治河計前後相距一百八十一年而堯始命之治河無是理矣漢書律歷志

顓頊五代而生鯀是爲得之又世紀鯀封崇伯國在秦晉之間王伯厚曰趙穿侵崇是也寰宇記垞城隍泗水秦地志云垞城古崇國未知孰是

衡案後漢鄭興傳言堯知鯀不可用而用之者是屈已之明因人之心也非是夫屈已之明以流毒因人之心以遺害堯不忍爲也孔傳堯知其性狠戾圮族未明其所能而據衆言可試故遂用之何孟春曰堯之用鯀九載之民命亦可試乎愚按爲此言者皆不知堯者也孟子禹思天下有溺者猶已溺之也是以

如其之急也而謂堯之急于救民曾不禹若乎路史云當是時禹年稚而在廷之可就水者莫繇若也斯言蓋得之矣

六十九年黜崇伯繇

史記夏本紀當帝堯之時洪水滔天浩浩懷山襄陵下民其憂堯求能治水者羣臣四嶽皆曰繇可堯曰繇爲人負命毀族不可四嶽曰等之未有賢於繇者願帝試之於是堯聽四嶽用繇治水九年而水不息功用不成於是帝堯乃求人更得舜舜登用攝行天

子之政巡狩行視鯀之治水無狀乃殛鯀於羽山以死天下皆以舜之誅爲是○志疑案陸德明莊子釋文云堯六十年放驩兜六十四年流共工六十六年竄三苗陸氏必有案據吾然其言而鯀獨未及考竹書紀年云堯六十一年命崇伯鯀治河六十九年黜崇伯鯀政合九載績用弗成之文其事出堯不出舜故國語太子晉曰有崇伯鯀堯用殛之左傳子產曰堯殛鯀羽山漢書鮑宣曰堯放四罪而天下服後書樊儵曰唐堯大聖尚優遊四凶之獄使天下咸知然

後殛罰並以放四罪爲堯惟萬章從戰國流俗之言稱此事屬舜蓋與左傳僖三十三年胥臣言舜殛鯀興禹同誤史公謬仍之後儒解經未經參檢而復以舜所去之四不才子并爲一科不亦舛乎

金履祥曰案周漢以來諸史多稱堯有九年之水今考其時自洪水方割卽舉鯀俾乂九載無成而後舉舜又二年始舉禹禹八年於外而始告成功前後計二十餘年矣而九年者蓋指鯀九載之間也計自方割以來洪水之害無歲無之如後世歲有河決之患

鯀於其間多爲隄防以障之而患日滋甚孟子敘泛
濫之禍在舉舜敷治之上則九年之云蓋謂此時也
然洪水之害一日不可緩而待鯀九載無功始易之
何也傳稱禹能修鯀之功則九載之間非盡無功但
無成耳而三考黜陟之典不可廢是以有羽山之貶
焉又案經稱鯀堙洪水傳稱鯀障洪水國語又稱其
墮高堙卑經稱禹決九川孟子稱禹疏九河濬濟漯
決汝漢掘地而放之海然則鯀之治水也障之禹之
治水也導之其成敗之由以此

孫之驥曰鄭答趙商云鯀非誅死鯀放居東裔至死
不得反于朝而尚書云鯀則殛死禹乃嗣興者箕子
見武王誅紂今與已言懼其意有慙德爲說父不肖
其罪子賢則舉之以滿武王意也

姜兆紳孟子篇敘殛鯀周禮廢以敘其罪註廢放也
舜殛鯀是也非殺但放之已耳洪範言鯀則殛死然
亦可云殛而至死獨山海經則言帝命祝融殺鯀於
羽郊也羽山謂在東海祝其縣南今江南贛榆縣西
山下有羽潭卽黃熊入羽淵處然地似太近孔安國

言在海中楊慎謂在登州沙門島寰宇記蓬萊縣東十五里卽殛鯀處登州古萊夷地三百距海故云海
中至祭法有郊鯀之說則劉基云夏之天下授之舜
舜之殛鯀天刑也禹受舜禪而升其罪人以配天逆
於舜卽逆於天矣然則國語鯀化黃熊已近誣實爲
夏郊亦不確子產之言豈晉人飾說歟

衡案路史帝將以天下屬舜崇鯀非之曰不祥哉維
以天下予人哉帝乃殛之羽山此說本韓非子又見
呂氏春秋行論篇然則鯀之黜旣以治水無功而又

以非訕授受之事故也今據竹書帝堯六十年命崇伯鯀治河六十九年黜崇伯鯀與書九載績用弗成之說合蓋在帝堯未舉舜之前焉得有訕堯禪舜之事豈以書方命二字遂附會其說歟先儒多疑殛鯀爲殺鯀蓋泥于黃熊之說而不知殛極也窮也猶言窮之極邊之地云爾與流共工放驩兜竄三苗是一例事今竹書曰黜崇伯鯀可以釋尚書殛字之疑高誘呂覽行論篇注羽山東極之山也書云鯀乃殛死先殛後死也語最明晰路史作遏之羽山三年而死

是爲羽淵之神亦是羅莘注云殛者置之死地而不返云爾故天問云永遏羽山歐文忠云鯀殛羽山慙而斃是俱不以殛爲殺也蓋當是時堯以棄命放之羽山久而不赦鯀自傷無績不得獻功遂乃自沉于羽淵其靈不死託爲河精以導其子河精卽河神也故於禹治河之時授以河圖而去禹亦終身不踐羽淵之地爲其父自沉故也而左氏乃有黃熊入寢之說拾遺記則謂化爲元魚與蛟龍跳躍而出益荒忽不足信矣若僞歸藏云殛死三歲不腐副之以吳刀

更不足辨

竹書紀年集證卷三終

竹書紀年集證卷四

江都陳逢衡學

帝堯下

七十年春正月帝使四岳錫虞舜命

原註帝在位七十年景星出翼鳳凰在庭

荀子解蔽篇詩曰鳳

凰秋秋其翼若干其鳴若簫有鳳有鳳樂帝之心註曰逸詩也帝蓋謂堯也。尚書中候帝堯卽政七十載景星出翼鳳凰止庭朱草生郊嘉禾孳連甘雨潤液醴泉出山。述異記堯爲仁君一日十瑞宮中芻化爲禾鳳凰止於庭神龍見宮沼歷草生堦宮禽五色鳥化白神木生蓮篔簹生厨景星耀於天甘露降於地是朱草生尚書中候文命咸得俊乂在官則朱草在郊。春秋感精符王者德洽於

地則朱草生。食之令不老。春秋運斗樞天樞得則朱草生。禮斗威儀君乘火而王其政。頌平則地生朱草。博物志和氣相感則生朱草。續博物志朱草狀如桑。栽長三四尺。枝葉皆丹。汁如血。朔望生。落如糞。莢周而復始。宋志朱草草之精也。世有聖人之德則生。路史餘論三禮義宗云朱草赤草也可。以染絳爲服。以別尊卑。王嘉禾秀。春秋感精符王者者。施德有常則應德而生。嘉禾秀。德淪於地則嘉禾生。醴泉出。春秋運斗樞旋星得則嘉禾液。詩含神霧。堯時嘉禾生七莖。連三十五穗。甘露潤列星圖。天乳一星在氐北。主甘露。占明潤則甘露降。春秋運斗樞天樞得則甘露零。禮斗威儀人君乘土而王其政。太平則甘露降。孝經援神契。禮泉王者德及於天。則斗極明日月光。大甘露降。醴泉出。尚書中候堯祇德匪懈。醴泉出。春秋潛潭巴君德應陽。則醴泉出。旋星得則醴泉出。禮稽命徵王者刑殺當罪。賞賜當功。得禮之儀則醴泉出。斗威儀人君乘水而王。則醴泉見。醴泉味甘。王政和可。

貴故水甘也。白虎通德至淵泉則黃龍見禮
泉涌河出龍圖洛出龜書江出大貝海山明珠 日月

如合璧五星如連珠

易坤靈圖至德之朝日月若連璧五星若貫珠。尚書考靈曜

天地開闢甲子冬至日月五緯俱起牽牛初仰觀天
形如車蓋日月若懸璧五星若編珠衆星纍纍如連
貝 厨中自生肉其薄如箠搖動則風生食物寒而不

臭名曰箠脯

脯一作蒲。春秋潛潭巴君臣和得道度協中則箠脯生於庖厨。白虎通孝

道至則箠脯生庖厨箠蒲者樹名也其葉大於門扇
不搖自扇於飲食清涼助供養也。說文箠蒲瑞草
也堯時生於庖厨扇暑而涼。路史德政清平風教
大治化格上下而信孚于升潛慶雲鮮菩五緯順軌
景星炳曜甘露被野神禾滋畝朱草茁牧醴泉洗岫
倚巛生厨蒲殖苗鳳巢閣榮光嘉河河馬箠籙一日
而十 又有草夾階而生月朔始生一莢月半而生十
瑞至

五莢十六日以後日落一莢及晦而盡月小則一莢

焦而不落名曰奠莢一曰歷莢

白虎通王者考歷得其分度則奠莢生於

階間奠莢者樹名也一日一莢生十五日畢至十六日一莢去故夾階而生以明日月也。路史餘論奠莢歷莢也世紀云堯時奠莢夾階而生每月朔則生一莢至月半而十五莢十六日後日落一莢至晦而盡若月小盡則餘一莢厥而不落王者以之占歷應和氣而生舜亦如之一曰仙茅故田俵子云堯爲天子奠生於庭爲帝成歷圖云葉圓而五色日生一莢至十六則落一莢及晦而盡 洪水旣平

歸功於舜將以天下禪之乃潔齋修壇場于河洛擇

良日率舜等升首山遵河渚有五老遊焉蓋五星之

精也相謂曰河圖將來告帝以期知我者重瞳黃姚

史記正義舜生于姚虛故五老因飛爲流星上入昴

姓姚目重瞳子故曰重華
衡案遊首山在五十年祭洛在五十二年皆
在舜未舉洪水未平之前註似混合爲一
二月辛

丑昧明禮備至于日昃榮光出河休氣四塞白雲起

回風搖乃有龍馬銜甲赤文綠色緣壇而上吐甲圖

而去尚書中候帝堯修壇河洛仲月辛日昧明禮備榮光出河休氣四塞白雲起回風搖龍馬銜甲

赤文綠色臨壇止霽吐甲圖而帶定。春秋元命包堯遊河渚赤龍負圖以出圖出如綈之狀龍沒圖在

甲似龜背廣九尺尚書中候堯時龍馬銜甲赤文綠色臨壇上甲似龜背廣袤九尺圖

理平上五色文有列星之分斗其圖以白玉爲檢統

政之度帝王紀錄興亡之數
案書卷之表簽謂之曰檢漢武紀金泥
玉檢注檢一曰燕尾今世書帖簽也
赤玉爲柙泥

以黃金約以青繩檢文曰闔色授帝舜

春秋合誠圖堯坐舟中與

大尉舜臨觀鳳凰負圖投堯圖以赤玉爲匣長三尺廣八寸黃金簽白玉繩封以兩端章曰天赤帝符璽五字。河圖挺佐輔舜以太尉卽位與三公臨觀河黃龍五采負圖出置舜前以黃玉爲柙白玉爲檢黃金爲繩黃芝爲泥

言虞夏當授天命

統箋案宋志曰闔色授帝舜言

虞夏殷周秦漢當受天命比此本多殷周秦漢四字知此爲沈約附注非竹書本文也

帝乃寫

其言藏於東序

中候握河紀堯卽政七十年仲月辛日至於稷沈璧於河青雲起回風搖

落龍馬銜圖赤文綠色自河而出臨壇而止吐甲翹通甲似龜廣九尺有文言虞夏商周秦漢之事帝乃寫其文藏

後二年二月仲辛率羣臣沈璧於洛

中候

帝堯刻璧率羣臣東沈於洛

禮畢退俟至於下昃赤光起元龜負

書而出背甲赤文成字止于壇

尚書中候堯率羣臣東沈璧於洛退侯至

于下稷赤光起元龜負書出赤文成字止壇又沈璧于河黑龜出赤文題

其書言當禪舜

遂讓舜

衡案此四岳卽堯所咨者蓋炎帝之後或曰卽許由
莊子以堯有汝能庸命異朕位之語遂影撰出堯讓
天下于許由云云書舜典納于大麓卽此錫命之事
也毛奇齡曰孔傳作大錄官名使大錄萬機之政陰
陽和風雨時各以其節不令迷錯愆伏謂之不迷此
說固謬大錄機政與百揆何異且烈風雷雨非泛指

陰陽愆伏言也故史記云堯使舜入山林川澤烈風雷雨舜往勿迷而鄭元直云入麓伐木差可解說第伐木二字無據堯納舜于山麓亦無謂且與上納于百揆諸文不合耳徐仲山日記謂大麓官名特非是大錄機政之官是必當時洪水未平或間試之作司空官有名爲大麓者如周禮衡名川林虞名山澤之類以此乘載而遇風雨理故有之若孔傳則大有所本非杜撰語王充論衡云大麓三公之位以一公之位而統錄三公之事桓譚新論亦云昔堯試舜于大

麓者領錄天下事如今之尚書官班固紀實憲功德
曰納于大麓惟清緝熙且前此孔叢子亦有之宰我
問孔子書云納于大麓烈風雷雨弗迷何謂也曰此
言人事之應乎天也堯旣得舜厯試諸難已而納于
尊顯之官使大麓萬機之政是故陰陽清和五星來
備烈風雷雨各以其應不有迷錯明舜之行合乎天
也則孔傳純襲孔叢子以爲言又王莽傳子前在大
麓至于攝假師古曰謂爲大司馬宰衡時

七十一年帝命二女嬪於舜

尸子舜一徙成邑再徙成都三徙成國堯聞其賢徵之草茅之中與之語禮樂而不逆與之語政至簡而行與之語道廣大而不窮於是妻之以嬀媵之以娥九子事之而託天下焉

水經河水注郡南有厯山也謂之厯觀舜所畊處也有舜井媯汭二水出焉南曰媯水北曰汭水尚書所謂釐降二女於媯汭也孔安國曰居媯水之內王肅曰媯汭虞地名皇甫謐曰納二女於媯水之汭馬季長曰水所出曰汭然則汭似非水名而今見有二水

異源同歸潭流西注入于河

略史陶唐氏紀方是帝畿巨浸稽天而冀人虞舜身

修家正所在數有美祥

四明山記堯時有老人持圖曰子姓伊名獻諸山洪水遇

舜則

正矣帝知其聖然猶忌其私也爰巽四岳岳辭其德

弗辱則又俾之顯揚幽側而岳知帝之在舜以舜錫薦于是舉之童土之地而歷試之命爲司徒二女女焉

金履祥曰按史稱黃帝之曾孫譽譽之子堯則堯黃帝之元孫也又稱黃帝生昌意昌意生顓頊歷窮蟬

敬康句望蟠牛以至瞽瞍而生舜則舜黃帝八世孫也堯舜俱出於黃帝則二女之妻不亦亡宗潰姓亂序無別己乎或曰晉胥臣曰黃帝之子二十五人得姓者十四人爲十二姓其同姓者二人而已異姓則異德異德則異類異類雖近男女相及以生民也又記曰繫之以姓而弗別雖百世而婚姻不通者周道然也然則古已別姓則婚姻不可以通乎曰非也黃帝氏十四人之得姓猶高陽高辛氏之十六族爾胥臣之言爲納懷羸故附會而言非正也禮記之言用

周道以正諸侯之失也皆非此之謂也世系之傳史記之失考也昔者歐陽氏固論之矣且司馬談遷漢史也其紀漢之初己不知高祖之世系於父曰太公而猶不知其名母曰劉媪而猶不知其氏而其上紀五帝之世母妻嫡庶子孫名氏一無所遺耳目所及尚如此則二千餘年所傳聞者其詳尚足信乎或曰世本也非談遷之所自言也抑世本又豈果出於三代之時乎以世本爲三代之書猶以爾雅爲周公之書也縱使果出於三代之季則周衰傳說已不可信

故朱子謂世本或出於附會假託不可憑據今以其敘舜之世推之其不可憑也審矣曰然則舜果何出乎考之於書曰虞舜曰嬪于虞是虞者有國之稱也參之國語史伯之言曰成天地之大功者其子孫未嘗不章虞夏商周是也虞幕能聽協風以成樂物生者也夏禹能平水土以處庶類者也商契能和合五教以保于百姓者也周棄能播殖穀蔬以衣食民人者也其後皆爲王公諸侯伯夫以虞幕並契稷而言則幕爲有功始封之君虞爲有國之號而舜所自出

以王天下者也考之左氏史趙之言曰自幕至于瞽
瞍無違命舜重之以明德夫自幕以至于瞽瞍則非
自黃帝昌意顓頊窮蟬敬康句望橋牛以至瞽瞍也
或曰然則昌意窮蟬以下之說固妄矣國語不曰幕
能帥顓頊乎左氏不曰陳顓頊之族乎曰幕之出於
顓頊左氏國語之說固足徵也然謂顓頊之必出於
黃帝史記之說其果足徵乎黃帝氏歿則少昊氏作
是爲五帝之首國語稱少昊氏之衰九黎亂德顓頊
受之則少昊似一代之通稱後世始衰非少昊帝之

世卽衰也而史記於黃帝之後不及少昊懸紀顓頊指爲黃帝之孫隔遠無序少昊之代何所往而黃帝之孫何其壽也莫難明者譜牒莫易知者朝代史記序朝代尚有遺則其序譜牒豈足信乎夫顓頊未必黃帝之孫則五帝豈必皆黃帝之後伏羲神農黃帝是爲三皇皆有功德於天下果如史記五帝三王皆黃帝之後則伏羲神農子孫何以皆無帝王者商周猶曰世遠也若顓頊高辛陶唐皆黃帝後則一家伯仲子孫遞相傳授又何必殊徽號易五運後世又何

必曰五帝官天下云哉况少昊氏上與伏羲聯曰太
皞少皞不必廢少昊爲黃帝之青陽顓頊氏下與帝
嚳氏對曰高陽高辛不必附帝嚳爲顓頊之族子也
古之王者必有庶子之官蓋公卿大夫之子凡天下
之俊秀與天子之子遊焉學焉者則十四人爲十二
姓焉又不必皆爲黃帝之子也若曰皆黃帝之子則
有姓無姓何其偏同姓異姓何其雜也上古之時有
同產而爲夫婦者帝高陽投諸海外之野以爲夷狄
况一父之子各易其姓而遂使之男女相及是率天

下而爲夷狄禽獸也豈理也哉書稱帝堯克明俊德以親九族使堯舜果同出於黃帝如史記之世系則堯之視舜爲同高祖之族爲羣從元孫之行正九族之內也舜在九族之內爲父母弟所惡屢瀕於死耕稼陶漁而堯不一顧省豈足謂之克明俊德以天下之聖人推而納諸天下之大夷狄禽獸則史記世本誣陷聖人之罪不可勝誅矣

衡案二女娥皇女英也皇卽后育漢志註誤育爲盲女英亦謂之女英世以皇爲湘君英爲湘夫人妄也

又有女匱氏亦舜妃大戴禮謂是帝堯之子誤千古
惟聞二女釐降不云三女也禮記三妃未之從當是
二妃之誤而註者以娥皇女英女匱當之失之矣觀
東漢書引禮記作二妃可証山海經又有登北氏卽
癸比氏亦舜妃蓋二妃之外或有備位後宮者亦如
女匱之類不得與帝之二女匹也龐仙天運紹統以
舜娶曾祖姑爲疑因云女者女人之通稱也恐非堯
之女擇人之女而妻之也此說益荒誕不足據案列
女傳有虞二妃帝堯二女也長娥皇次女英二女承

事舜于畎畝之中淮南子堯妻以二女以觀其內任
以百官以觀其外乃屬以九子贈以昭華之玉俱云
堯二女不云他姓女也案堯爲姬姓舜出虞幕本不
同祖羅氏路史及金氏前編論之詳矣臞仙以爲擇
人之女而妻之豈未見二家之說乎又呂氏春秋云
堯傳天下於舜禮之諸侯妻以二女臣以十子身請
北面朝之夫堯焉有北面朝舜之事哉

七十三年春正月舜受終於文祖

統箋案舜典曰正月上日受終於文祖孔傳曰上日

朔日也終謂堯終帝位之事文祖者堯文德之祖廟
史記索隱曰尚書帝命驗曰五府五帝之廟蒼曰靈
府赤曰文祖黃曰神斗白曰顯紀黑曰元矩唐虞謂
之五府夏謂之世室殷謂之重屋周謂之明堂皆祀
五帝之所也

鄭環曰案伏羲而後顓頊以前惟黃帝多所制作文
祖者黃帝也書說謂五帝之廟赤曰文祖誤

衡案舜典帝曰格汝舜詢事考言乃言底可績三載
汝陟帝位舜讓於德弗嗣正月上日受終於文祖正

義曰受終者堯爲天子於此事終而授於舜故知謂堯終帝位之事終言堯終舜始也王柏曰堯之試舜如此之詳而讓德弗嗣之下無再命之辭異位之際堯無丁寧告戒之語何也按論語堯曰篇首二十四字乃二典之脫文也此論甚確當從之前編丙辰帝堯七十有三載薦舜於天舜受終於文祖史記五帝紀謂文祖者堯大祖也路史則謂授終于天府當以史記爲是

七十四年虞舜初巡狩四岳

書舜典輯五瑞既月乃日覲四岳羣牧班瑞於羣后
歲二月東巡狩至於岱宗柴望秩於山川肆覲東后
協時月正日同律度量衡修五禮五玉三帛二生一
死贄如五器卒乃服五月南巡狩至於南岳如岱禮
八月西巡狩至於西岳如初十有一月朔巡狩至於
北岳如西禮歸格于藝祖用特五載一巡狩羣后四
朝敷奏以言明試以功車服以庸

尚書大傳維元祀

徐文靖曰元祀春之首祀非元年之謂○衛案元祀謂舜攝位之元

祀下元祀代泰山乃指春之首祀言金氏前編係此條于帝舜卽位之元年注並引鄭氏云祀年也元年

謂月正元日舜格于文祖之年此巡狩四岳八伯壇說亦誤當從路史序于受終之下

四奧沈四海封十有二山兆十有二州樂正定樂名元祀代泰山貢兩伯之樂焉東岳陽伯之樂舞侏離其歌聲比余謠名曰皙陽儀伯之樂舞鼈哉其歌聲比大謠名曰南陽中祀大交霍山貢兩伯之樂焉夏伯之樂舞謾彘其歌聲比中謠名曰初慮羲伯之樂舞將陽其歌聲比大謠名曰朱千秋祀柳毅華山貢兩伯之樂焉秋伯之樂舞蔡俶其歌聲比小謠名曰苓落和伯之樂舞元鶴其歌聲比中謠名曰歸來冬

祀幽都宏山貢兩伯之樂焉冬伯之樂舞齊落曰纓

纓并論八音四會歸格於禰祖用特

七十五年司空禹治河

禮記司空執度度地以居民量地遠近典事任力。家語度量不審

舉事失禮都鄙不修財物失所以貧貧則飭司空。

春秋元命包危東六星兩兩而比曰司空主水。尚

書大傳溝瀆壅過水爲民害田曠不墾則責之司空

。韓詩外傳山林崩隕川谷不通草木不茂則責之

司空。白虎通司空主土不言土言空者空尚主何

况於實。周禮正義禹自司空總百揆乃分司空之

職爲

共工

書舜典舜曰咨四岳有能奮庸熙帝之載使宅百揆

亮采惠疇兪曰伯禹作司空帝曰兪咨禹汝平水土

惟時懋哉禹拜稽首讓于稷契暨臯陶帝曰俞汝往
哉

史記夏本紀于是舜舉鯀子禹而使續鯀之業禹乃
遂與益后稷奉帝命命諸侯百姓與人徒以傅土行
山表木定高山大川禹傷先人父鯀功之不成受誅
乃勞身焦思居外十三年陸行乘車水行乘船泥行
乘橈山行乘樁左準繩右規矩載四時以開九州通
九道陂九澤度九山令益子衆庶稻可種卑濕命后
稷子衆庶難得之食調有餘以均諸侯。志疑案四

載之名惟陸車水舟無異

只此作船

若泥橇山樁多有不

合卽以史記言之河渠書泥行蹈毳山行卽橋

徐廣于此

云樁一作橋

已與本紀異矣河渠書謂出夏書說文橇字

注引虞書作山行乘橇澤行乘軻當卽史所稱夏書

乃復有此異同溝洫志仍河渠者也而所引夏書更

作泥行乘毳山行作榻深所未曉其它如僞孔傳云

泥乘輜山乘橛書疏引尸子云山行乘橛泥行乘橇

徐廣于此云橇它書或作橇

史集解又引尸子云行塗以楯行險

以撮行沙以軌

路史引作軌

文子自然篇云沙用捰

乃鳥切

泥用楯山用標呂覽慎勢篇云塗用轄沙用鳩山用

標淮南子齊俗訓云譬若舟車楯棼

道藏本許慎注作棼近本訛作

肆

修務訓云沙之用鳩泥之用轄山之用藁

偽孔傳所本

路史論四載引許慎淮南齊俗注云沙地宜棼泥地

宜楯

書疏引慎子今慎子不全無考

何參錯若此孔仲達所謂古篆

變形字體改易說者不同未知孰是也

易林乾之中孚舜升大禹石夷之野徵詣王庭拜治

水土

世紀禹其父既放降在匹庶有聖德夢自洗于河而

四岳師舉之舜進之堯堯命以爲司空繼鯀治水乃
勞身涉勤不重徑尺之璧而愛日之寸陰手足胼胝
故世傳禹病偏枯足不相過至今巫稱禹步是也

路史夏后氏紀乃握括命悼前人之非度志勤天下
纒長風沐甚雨疏停道滯鍾水豐物身畚芟以爲人
先堯之水河之患爲甚沛次之淮次之江漢次之濁
河所被冀兗重而雝輕沛之所被則徐輕而兗青冀
重兗之流皆自其東北走海而冀又上京故治水之
急先于河于是發迹壺口梳三門斯二渠猶未暇積

石也冀州既又于是準地之勢自北而南兗青徐爲東偏雖高于豫豫高于青徐雖豫餘流繇鞏洛而入河揚下于荆荆下于梁梁荆之水東自揚而入海故東南次兗青又南次徐四州治而河患息又南次于揚又西次于荆以放江淮江淮又而洪水定淪沛潔決汝漢引南河以通淮泗排淮泗而注之海于是繇荆而北次于豫繇豫而西次于梁繇梁而北次于雝以奠江河之上流始禹之治水七年矣傷功未就愁然沈思于是上觀於河河精授圖乃北見六子獲玉

匱之書以從事受黑書于臨洮得綠字于濁水乃駐
江山棲桐柏受策鬼神之書乃得童律任意章鴻蒙之
徒制其水怪聞宛委黃帝書乃吉禘封白馬三月庚
子登覆鬴探穴獲五符知治水要于是復岳下龍門
受玉簡以揆地遂周行天下俾益疏之以爲岳瀆山
海二經

孫之騷曰五行志禹治洪水賜籀書法而陳之洪範
是也尚書刑德攸曰禹長於地理水泉九州得括象
地圖堯以爲司空尚書中候伯禹在庶四嶽師舉薦

之帝堯握括命不試爵授司空伯禹稽首讓于益歸
帝曰何斯若真出爾命圖示乃天

統筭按舜典曰兪曰伯禹作司空孔傳曰禹代鯀爲
崇伯入爲天子司空鄭注曰初堯冬官爲共工舜舉
禹治水堯知其有聖德必成功故改命司空以官名
寵異之非常官也禹貢導河積石至于龍門南至于
華陰東至于底柱又東至於孟津東過洛汭至于大
伾北過洛水至于大陸又北播爲九河同爲逆河入
于海宋易被禹貢疆理攷曰河自廓州積石軍北東

北流一百五十里至化成縣南八十步東流一百四十里至鄯州龍支縣西南六十里積石山在縣西九十八里又三百九十八里至河州枹罕縣南五十里積石在縣西北七十里一名唐述山今人目龍支縣山爲大積石此山名小積石又三百里至蘭州五泉縣北二十里東北流三百八十里至會州之會寧縣西北有黃河堰又五百三十里至靈州之迴樂縣枕黃河後魏刁雍開富平艾山舊渠通河漑田之地又經靈武縣又一千餘里至西受降城東流一百八十

里至天德軍又二百里至中受降城又三百里至東受降城三城皆唐張仁愿所築並在河岸以遏突厥河轉南流三百五十里至朔方之鄯陽縣西三十里又三百七十四里至嵐州之合河縣西二里又七十里至石州之臨泉縣北二十里又經定胡縣西二百步孟門關在縣西一百步又經平夷縣五十里又四百二十里至隰州之永和縣六十里又經大寧縣又二百里至慈州之吉昌縣北六十里又經文城縣孟門山在縣西南三十六里河中有山如槽水流懸注

七十餘尺俗名石槽與龍門相對卽龍門之上口爲河之巨阨又一百八十里至河中府之龍門縣北二十五里乃龍門口河自積石至龍門計四千七百二十三里又二百里至陝州之西北對河爲華州華陰縣河經太華之北故曰華陰河至此東流經陝州之芮城縣又五十里至陝石縣有底柱山在河中又三百五十里至河南府王屋縣南五十里又至河陽縣後爲孟州南城四面臨河謂之富平津古謂之孟津東百里至今鞏縣有五社渡洛水入河謂之洛口亦

名什谷張儀所謂下兵三川塞什谷之口者也又經
汜水縣本漢成臯縣一名虎牢三百九十里至衛州
汲縣南五十里謂之棘津亦謂之石濟津東北流至
黎陽縣大伾山在縣南七里俗號爲黎山二百五十
里至相州臨河縣南五里又八十里至澶州頓邱縣
南二十五里北流一百二十里至魏州之貴鄉縣大
河故瀆在縣西三里俗云王莽河東北流二百一十
里至貝州經城縣枯河在縣東十里又二百一十里
至冀州南宮縣泆水故瀆在縣東南六里又北二三

百里至趙州之隆平舊爲大陸縣孔傳曰大陸澤名
北分爲九河以殺其溢同合爲一大河名逆河而入
海也董鼎曰天下大勢西北高而東南下九水惟河
爲大水患惟河爲急河始入于雍而經于冀則冀當
河之下流而兗又其下流之入海處所以禹之功役
自冀而兗則疏河濟之下流也自青而徐則疏淮之
下流也自揚而荆則疏江漢之下流也河濟淮江漢
五水之下流旣通水患平已十之七八矣然上流不
濬則猶有壅塞於是自荆而豫以濬伊洛之源自豫

而梁以潛江漢之源自梁而雍以潛河渭之源從北而東從東而南從南而西從西而又北治水之功畢矣

衡案此使禹治水也而曰治河者舉其急且大者言之舉一以例其餘也方是時帝都于冀冀受河三面之害橫流急湍莫此爲甚河不治則冀不安帝都必將有遷徙之患矣然則曷以知例其餘也曰下文書司空入覲贊用元圭則其歸功告成知非僅一河而已也蓋統言治河而江淮渭洛沅濟漢沔流沙黑水

無一不在其中矣當時治水之書禹貢而外莫詳于
山經說者多以荒怪置之非通論也竊嘗上下千古
縱觀禹跡所在而百家雜錄謂其東至日出九津青
羌之野南至羽人裸民之國西至飲露吸氣之民積
金之山北至夸父之野禹疆之所顏色黎黑竅藏不
通七年不聞樂十年不窺家股無胼脛不毛猶復身
執藁垂以爲民先燒不服潰濡不給扞簪墜不掇冠
掛不顧履遺不躡死山者堊山死陵者堊陵斯真可
謂九死不移其志者矣于是伏羲授簡長人畀書河

伯示圖應龍畫地而坤靈効水泉得益皆民溺由已
一念之所致也至其所以施功之次第載在禹貢山
經條分縷析後儒何可蔑視耶又案荀仲豫稱禹十
二爲司空誤考吳越春秋禹年三十始娶塗山氏則
十二當是二十蓋禹行至塗山正孟子所云禹八年
于外之時此時年已三十則爲司空時焉得云十二
哉路史注云十四爲司空亦誤計禹二十爲司空歷
二十五年堯崩爲四十五年喪畢舜卽位爲四十
八又歷舜五十年爲九十八又三年而卽位爲一百

一又八年而崩爲一百九

七十六年司空伐曹魏之戎克之

衡案呂氏春秋禹攻曹魏屈驚有扈以行其教卽此時也路史伐屈驚攻曹魏而萬國定在禹會塗山之後今据竹書伐曹魏在帝堯七十六年會塗山在禹五年相距共七十九年是伐曹魏在先會塗山在後也案曹魏是二國名蓋戎有雜處其間者故曰曹魏之戎

八十六年司空入覲費用元圭

統箋案尚書璇璣鈴曰元圭出刻曰延喜之玉注曰
禹功既成天佩以元圭也是時元圭出而禹得之因
以爲贄禹貢曰禹錫元圭告厥成功爾雅曰錫與也
則禹錫猶堯典師錫之錫謂入覲而以圭與帝爲贄
也孔傳曰禹功盡加于四海故堯賜元圭以彰顯之
則是當言錫禹矣何言禹錫竹書稱贄用元圭其義
自明白虎通曰臣見君所以有贄何贄者質也質已
之誠致己之惓惓也

鄭環曰按自七十五年至此凡十二年前九年決九

川距海後三年潛吠澮距川聲教訖於四海而後入
覲孟子禹八年于外特以過門不入時言之實在外
不止八年

衡梁禹于宛委山遇元夷蒼水使者又於洮水受黑
玉書故其色尚元元者水之象也一說元圭如符節
之物禹治水時堯嘗假之得以便易行事及至功成
入覲當以歸之堯錫如納錫之錫亦通案夏本紀帝
錫禹元圭以告成功於天下禮稽命徵天命以黑故
夏有元珪世紀禹治水畢天賜元圭瑞徵圖王者勤

苦以憂天下厚人薄己則元珪出宋符瑞志元圭水
泉流通四海會同則出金樓子神鹿出於河水天錫
元圭路史禹錫元圭告厥成功夏后氏尚黑職繇此
始諸書俱云元圭惟遁甲開山圖云禹開宛委山得
赤珪如日碧珪如月長一尺二寸蓋妄仁山金氏謂
帝堯七十二載使禹平水土八十載禹告成功蓋求
合孟子八年於外之說今據紀年入覲在八十六年
使治河在七十五年凡十二年故史記夏本紀及河
渠書漢溝洫志皆云禹在外十三年也又案釋史云

鯀之敗專與水爭地禹之成能以地讓水二語精當
八十七年初建十有二州

楊慎曰春秋緯云神農地過日月之表淮南子曰神
農大九州桂州迎州神州等州是也至黃帝以來德
不及遠惟于神州之內分爲九州括地象曰崑崙東
南萬五千里名曰神州是也黃帝以後少昊高辛皆
仍九州惟舜時暫置十二州故書曰肇十有二州肇
之爲言始也前止九州而今始爲十二州也不然則
肇字無所屬至夏還爲九州左傳云夏之方有德也

貢金九牧可證

孫之騷曰古未有十二州舜受禪之初以四岳統十二州封其山謂冀并幽兗青營徐揚荆豫梁雍也謀牧立岳以廣聰而燭隱東岳寓於兗牧青徐屬焉南岳寓於荆牧揚豫屬焉西岳寓於雍牧梁營屬焉北岳寓於幽牧并冀屬焉

衡案謀牧立岳以下見路史及羅莘註

統箋案周公職錄曰黃帝受命風后受圖割地布九州祭法共工氏之霸九州也其子后土能平九州則自古止有九州無十二州尚書大傳云兆十有二州

注兆域也爲營域以祭十有二州之分星也舜典肇
十有二州孔傳曰禹治水之後舜分冀州爲幽州并
州分青州爲營州始置十有二州陸氏釋文曰十有
二州謂冀兗青徐荆揚豫梁雍并幽營也時舜以冀
青地廣始分衛水西北爲并州燕以北爲幽州青州
東北跨海爲營州故竹書謂初建十有二州也世史
類篇曰堯甲子八十一載分十二州封十二山濬川
舜攝政九載也据竹書在堯八十七載舜受終之五
載也

八十九年作遊宮于陶

統箋按史記曰堯作遊成陽漢志曰濟陰定陶詩風曹國也昔堯作遊成陽舜漁雷澤故其民猶有先王之遺風如淳曰作起也成陽在定陶師古曰作遊者言爲宮室遊止之處也

衡案水經注淮水又東南左合陶水東出堯山山盤紆數百里赭巖迭起冠以青林與雲霞亂采山上有白石英山下有平陵有大堂基者舊云堯行宮所又路史註云漢志堯作遊成陽遊都也蓋武王之牧宮

漢祖之沛宮周禮所謂國遊者此二條俱可爲堯作
遊宮之証蓋自帝年十六錫爲唐侯又十八年帝嘗
陟又卽位八十九年作遊宮至是年已一百二十有
三矣且以內付得人故築宮於外將以終老焉

九十年帝遊居于陶

統箋按郡國志濟陰定陶縣古陶堯所居又臣瓚注
漢書曰堯初居唐後居陶故曰陶唐顏師古非之以
爲堯嘗居陶後居唐今据竹書堯九十載始居陶瓚
說是也

九十七年司空巡十有二州

吳越春秋堯號禹曰伯禹官曰司空賜姓姒氏領統
州伯以巡十二部

統筭案堯卽位五年初巡狩四岳七十四年虞舜初
巡狩四岳是以舜代堯巡也堯八十七年初建十有
二州後十年司空巡十二州是以禹代舜巡也舜典
肇十有二州以舜攝位時事也故係之舜漢書谷永
傳堯遭洪水之災天下分絕爲十二州制遠之道微
以其本堯時事也故係之堯其說與竹書同

一百年帝陟于陶

統箋案堯元丙子終乙卯凡一百年

原註帝子丹朱避舜于房陵

路史註相之安陽永和鎮南有故堯城乃朱居

也相國經引孟子注舜封丹朱于白水白水乃今清

河蓋夏封之在鎮西南三里有丹朱陵南八里有帝

子夜遊臺周二百步相臺志云丹朱嫚遊之地○統

箋案地理志房陵縣屬漢中郡顏師古曰今謂之房

州此丹朱所避也附注云房陵是据世本舜封丹朱

于房一統志房縣在鄖陽府城西南三百一十里舜

封堯子丹朱舜讓不克朱遂封于房爲虞賓路史帝崩虞氏

于房卽此國之於房爲房侯以奉其祀謂之虞賓天子弗臣○

統箋案春秋爲房子國後漢獻帝紀贊曰永作虞賓

注虞賓謂堯子丹朱爲賓三年舜卽天子之位

尚書曰虞賓在位是也

史記五帝紀堯立七十年得舜二十年而老令舜攝

行天子之政薦之於天堯辟位凡二十八年而崩○
志疑書言堯七十載得舜又言二十八載堯崩史與
經合竹書謂百年陟非也故論衡氣壽篇云堯七十
載得舜舜徵二十歲在位堯退而老八歲而終至殂
落九十八歲未在位之時必已成人今計數百有餘
矣而集解引世紀云堯以甲申生甲辰在位甲午徵
舜甲寅舜代行天子事辛巳崩年百十八在位九十
八年思以求合于史記則堯于五十一載得舜七十
一載攝位矣豈不妄哉

列子仲尼篇謂堯治天下五十年禪舜漢律歷志謂堯在

位七十唐韓愈昌黎集論佛骨表從之亦未深考耳
載尤妄

蓋堯之年無徵偽孔傳謂堯十六爲天子世紀謂二

十爲天子不知何据若依孔傳是百十六歲

書傳十六誤十

七世紀增二歲疑莫能明至史以堯爲辟位未免岐

誤舜之爲帝孟子辨之甚詳史公取入紀中如下文
三年喪畢然後踐位是也辟位之言不幾矛盾兩傷
歟

前編癸未一百載帝乃殂落甲申百有一載乙酉百
有二載舜避于南河之南

日知錄舜陟方乃死見於書禹會諸侯於塗山見于
傳惟堯不聞有巡狩之事墨子曰堯北教乎八狄道
死葬蛩山之陰舜西教乎七戎道死葬南己之市禹
東教乎九夷道死葬會稽之山此戰國時人之誤也
自此以後呂氏春秋則曰葬於穀林太史公則曰堯
作遊成陽劉向則曰堯葬濟陰竹書紀年則曰帝堯
八十九年作遊宮于陶九十年遊居于陶一百年帝
陟于陶說文陶再成邱也在濟陰有堯城堯嘗所居
故堯號陶唐氏而堯之家始定于成陽矣但堯都平

陽相去甚遠堯期之年禪位之後豈復有巡遊之事
哉囚堯偃朱之說並出于竹書而鄆城之跡亦復相
近詩書所不載千世之遠其安能信之山海經海外
南經狄山帝堯墓于陽註呂氏春秋曰堯墓穀林今
成陽縣西東阿縣城次鄉中赭陽縣湘亭南皆有堯
冢臨汾縣志曰堯陵在城東七十里俗謂之神林有
金泰和二年碑記竊考舜陟方乃死其陵在九疑禹
會諸侯于江南計功而崩其陵在會稽惟堯之巡狩
不見經傳而此其國都之地則此陵爲堯陵無疑也

按志所論似爲近理但自漢以來皆云堯葬濟陰成陽未敢以後人之言爲信

衡案梁氏史記志疑以竹書帝堯一百年陟爲非此殆未深考也堯立七十載得舜又三年而使之攝帝位又二十八年而堯崩通計共一百年竹書所紀與尚書合而顧以爲非何哉世紀帝堯在位九十八年本史記五帝紀較竹書少二歲蓋以二十有八載自帝堯七十年數起而不知舜典有三載汝陟帝位之文當自帝堯七十三年數起也履祥前編亦云癸未

一百歲帝乃殂落又案堯墓所在不一山海經堯葬狄山墨子堯葬蛭山之陰論衡云葬冀州或云葬崇山其說互異崇山想因蛭山而誤崇蛭音相近案堯既陟于陶則墓地自不得遠求定當以濟陰成陽爲是如淳曰成陽在定陶漢志曰濟陰定陶詩風曹國也則是陟于陶卽墓于陶無疑矣呂氏春秋安死篇云堯墓于穀林高誘注云成陽山下有穀林劉向云墓濟陰邱隴山續征記云在小成陽南九里雖地名各異總之不離乎定陶者近是通典直云曹州界有

堯冢明白痛快畢氏沅曰堯葬成陽水經注言之甚
晰斯皆可爲堯墓在定陶之明証也至如狄山蛋山
之說皆儀墓爾羅萃曰儀墓如漢世遠郡園陵與蒼
梧舜葬之類非實墓所其論誠爲卓絕